

Ka akapeea koe e riro mai ei, ei tangata akono tiaki ia e te putuputu'anga Akono Tiaki Ngutuare a te Pasifika?

- **AKATIKA KI REIRA:** Me ka anoano koe i te tauturu a te putuputu'anga Akono Tiaki Ngutuare a te Pasifika, e aravei atu koe, me kore ra, tetai o te kopu tangata, me kore ra, tetai o toou taeake, i toou Taote, (me kore ra, i te are maki) ma te akakite atu kia ratou e, ka anoano tauturu koe no te noo ki roto i toou ngutuare. Na ratou e aravei atu i tetai putuputu'anga Akara Matatio Akatinamou'anga Turanga Atui Oronga 'Anga'anga Tauturu (Needs Assessment and Service Coordination - NASC), kia atoro atu ia koe i roto i toou ngutuare, no te akara matatio akatinamou'anga i toou au turanga.
- **ORONGA TIKA'ANGA TUKU KI TETA KE MAI:** me oti ana te oronga tika'anga tuku, kare e pou te 24 ora, ka tae atu tetai tangata Akono Tiaki Ngutuare Pasifika Atuitui (Pacific Homecare Coordinator) ki ko i te ngutuare e te kopu tangata o te tangata te ka akono tiaki ia, no te akara matatio akatinamou i te au tuanga te ka anoano'ia nona, no te oronga tika'anga tei tuku'ia atu e te NASC.
- **TE AKANOO'ANGA:** me oti ana te akara matatio akatinamou'anga i te raveia, ka tauta pakari matou i te tuku i te au aronga te ka akono tiaki ia ki ko i tetai ngai tei reira te Aronga 'Anga'anga Turuturu o to ratou uarai basileia e ta ratou peu tupuna, e ko to ratou turanga kite, ka tau meitaki no te tangata te ka akono tiaki ia.
- **AKARA AKAOU'ANGA:** ka raveia te akara akaou'anga mei te au toru marama, no te akatinamou i te turanga tau meitaki o te tangata e akono tiaki ia ra, e no te akapapu e, te tau ra te au turanga o te 'anga'anga tauturu e raverave'ia ra nona.



Pacific Homecare

Ph: 09 274 9153 0800 744278
Level 1, 230 Great South Road, Papatoetoe
PO Box 23-071, Papatoetoe, Auckland 2155
Em: info@pacifichomecare.org.nz
www.pacifichomecare.org.nz

Kua akamana'ia te putuputu'anga Akono Tiaki Ngutuare a te Pasifika no te Oronga 'Anga'anga Tauturu Ora'anga Ngutuare tei atui akatinamou'ia, e te tauturu'ia i te tua o te moni, e te Kopapa Ma'ata o te Tuanga Rapakau o te Moti'a Manukau (CMDHB), e te Minitiri o te Rapakau (MOH), e te Putuputu'anga Tauturu me tupu ake te Kino (ACC).



Pacific Homecare

Te Akono Tiaki Ngutuare a te Pasifika
TE INANGARO + TE AKONO TIAKI MEITAKI
+ TE RAVE MA TE TAU MEITAKI TIKAI



Te rave'anga i tei anoano'ia no te tangata tei apikepika ma Te Inangaro, Te Akono Tiaki Meitaki, e Te Rave ma te Tau Meitaki Tikai

E putuputu'anga Trust 'anga'anga tauturu te Akono Tiaki Ngutuare a te Pasifika, no te oronga tauturu 'anga'anga rapakau ki roto i te au ngutuare o te aronga pakipaki-tai (disabled) e te au metua pakari o te iti tangata Pasifika o te au oire takapini ia Akarana ki te Tonga (South Auckland).

E turanga meangiti ua te akamata'anga o teia 'anga'anga i te mataiti 1988, i te au Mama Kuki Airani e toru, tei kimi ravenga i tetai moni kia rauka mai no teia 'anga'anga, na roto i te tui'anga e te oko'anga i tetai au tivaivai no te ma'ata aere maira te kapiki tauturu a te au metua pakari Pasifika o Otara, kia akono tiaki ia ratou. I teia ra, te ma'ata aere ua atura te PHC, e, e 265 aronga 'anga'anga na ratou e tauturu ana i te au metua pakari e te aronga pakipaki-tai, kia noo tinamou ki roto i to ratou au ngutuare.

Ko te tango o teia putuputu'anga, mari ra ko te orama e, "ei au oire turanga ora'anga meitaki, na roto i te inangaro, te akono tiaki meitaki, e te raverave'anga ma te tau meitaki tikai".



Te au 'anga'anga tauturu te ka oronga'ia atu

- **TE AKONO TIAKI'ANGA IA KOE** mei te akapā'i ia koe ki raro i te paipa vai (shower)/ki roto i te t āpu vai, te teatea-mamao'anga i taau kai, e te angai'anga ia koe
- **TE AKONO AKATERETERE'ANGA I TE NGUTUARE**, mei te tauturu i te au 'anga'anga e te tama i te ngutuare
- **TE TURUTURU I TE AU ANGAANGA TAMATAORA**, mei te tauturu no te apinga akaoro no te apai ia koe, e te au apinga tauturu i te apii
- **TE TUATAU ROA O TE AKONO TIAKI TURANGA NGATA**, no te aronga tei roko'ia e te turanga kino, me kore ra, kua tupu tetai au kino maata ki te kopapa.

Na to matou turanga Akono Tiaki Ngutuare 'Anga'anga Tauturu Rapakau tei akamana'ia, i aruaru ei matou i te akamaroiroi i te rave i te katoatoa'anga o te rapakau'anga e te 'anga'anga, mei tei akaue'ia e te au tango tinamou tau meitaki e toru o te Tiriti o Waitangi, no te paruru'anga, te 'anga'anga kapiti'anga e te raverave'anga

Eaa te tūke o te Akono Tiaki Ngutuare a te Pasifika?

- **TE TAU O TE PEU TUPUNA E TE ARIKI'ANGA IA ME RAVERAWE'IA**, te tango o te au 'anga'anga e te au parani katoatoa a te Akono Tiaki Ngutuare a te Pasifika. Ka tauta pakari ia kia tau te turanga o te Aronga 'Angaanga Turuturu (Support Workers) te ka akono tiaki i te Aronga te ka Raverave'ia (Clients) no te oronga atu anga i tei tau ki ta ratou peu tupuna, to ratou reo, ta ratou kai e to ratou turanga irinaki Atua, e pera katoa tei tau ki to ratou turanga ora'anga kia vai meitaki ua.
- **TE TURANGA KATOATO A O TE ORA'ANGA** – e akamaroiroi ana matou kia raveia te turanga katoatoa o te ora'anga, mei te turanga ora'anga kopapa, te turanga manako, te peu tupuna, te turanga tamataora, e te turanga ora'anga vaerua.
- **TE TERENI'ANGA E TE AKAMEITAKI ATU ANGA** – e aruaru ana matou kia tereni meitaki ia e kia akameitaki ia atu te turanga karape o te aronga 'anga'anga te ka riro i te akatinamou i te akamatutu e te tupu meitaki atu anga rai o ta matou 'anga'anga oronga tauturu kia tau ki te au turanga tū ketūke o te aronga e raverave'ia ra, e te au turanga ngata o te tuanga 'anga'anga rapakau.

